

DEROUETIA Boiss. et Balansa.

Capitulum multiflorum. Involucrum squamis paucis, exterioribus brevioribus. Receptaculum setis longis sparsis inter flores instructum. Achenia cylindrica striata erostria apice non attenuata. Pappus subbiserialis conformis pilosus setis numerosis sub lente scabris—Herbæ perennes humiles Orientales facie *Crepidem pygmeam* referentes.

DEROUETIA FRIGIDA Boiss. et Bal.

D. perennis tota indumento brevissimo crispulo farinulenta prætereaque ad foliorum paginam inferiorem setulis brevibus patulis hirta, rhizomate longo tenui subterraneo sæpè ramoso, foliis omnibus radicalibus oblongis obtusis in petiolum attenuatis integris vel remotè et breviter dentatis vel subruncinato-lyratis lacinulis basilaribus utrinquè 1–3nis brevibus retrorsis, scapis 1–2 folia paulò superantibus, capitulis minutis cylindrico-subconicis, involucri phyllis lanceolato-linearibus acutiusculis planis præter indumentum albo-farinosum setulis brevibus nigricantibus secùs lineam medium sæpè obsitis exterioribus 3–5 inæqualibus brevioribus, flosculis luteis subtùs concoloribus glabris, acheniis pallidis exterioribus conformibus subcurvatis omnibus pappo niveo achenio æquilongo involucro vix longiori superatis, receptaculi setis achenio sesquilonioribus.

D. robertioides Bal. pl. exs. Anat. 1855.

Hab. in cacumine montis *Masmeneudagh* Tauri interioris ad meridiem *Cesareæ* siti alt. 9000'–9800'. Septembri 1855 cl. Balansa.

Folia cum petiolo 1–1 $\frac{1}{2}$ pollicem longa 3–5 lineas lata. Scapi monocephali 1–2 pollicares. Capitulum magnitudinis *Robertiae*. Hoc novum genus cl. Derouet bot. Turonensi dicatum habitu gaudet *Robertiae* receptaculo paleaceo, pappique setis paucis paleaceis distinctæ et melius inter *Rodigieas* militat juxta *Rodigiam* habitu prorsus alieno, involucro calyculato, receptaculo paleaceo, acheniis longè attenuatis distinctam.